

THE YOUNG KOREA





# 新韓青年第一號

## 目錄

### 創刊詞

### 祝詞

### 朝鮮獨立宣言書

朝鮮民族代表通告日本書

在日本東京青年獨立團宣言書

獨立運動之四大原因

獨立運動之初聲

在中國上海之新韓青年黨派代表于平和會

在日本東京留學生之獨立運動

在美洲桑港之韓人國民會選派代表

國民全體之獨立示威運動

韓國女學生致巴黎會書

林達呈巴黎和會書

聲討日人弑逆文

趙衡均文一平等十一人致倭督長谷川書

在中俄兩領之韓族宣佈獨立

老人同盟團致日本政府書

朝鮮代表在和會之請願

中國人之認韓國獨立

美人之大韓獨立後援會

在韓美國宣教師致威總統書

在中國北京之外國宣教師致日本皇帝及各

國政府書

天道教之革命血

高麗女子愛國精神

韓國僧侶聯合大會宣言書

韓國耶穌教代表告中國耶穌教會書

### 日人之酷刑虐殺

一個月間韓人死傷者

水原堤巖里之虐殺

蔚川及花樹里之慘殺

定州之虐殺

大邱咸安密陽陝川各郡之虐殺

孟山之虐殺

天安之慘殺

江西之虐殺

陞變被殺

天道教人之被害

倭兵對於婦女之蠻行

倭兵對於老弱之蠻行

倭兵掠奪金錢之蠻行

倭兵對獄囚之蠻行

倭人之投毒害人

上海西報所記之日本蠻行

平壤宣教師會所報之倭人蠻行

日人諱惡之狡諛

# 我舉國一致之敵愾心

皇子之復讐主義

貴族元老與儒林長德之忠言

老人界之壯志

青年學生之決心

婦人團及寡婦妓女等愛國

兒童之愛國熱

牧師之抗辨

工商界之愛國行動

官吏界之良心作

世界上酷受壓制之韓人

又有一白耳義平(紐約報)

朝鮮之獨立運動(英文滬報)

美國宗教界及教育界之同情

美國上議院覆大韓耶穌教會代表

美國下議院之對韓決議案

美國大佐二人及新聞記者之視察韓國

中國前大總統孫逸仙氏對日本談

韓日兩族之性質判異

韓族對日本族之輕蔑

韓族對日本族之怨恨

韓族對日本族之不信任

韓族之創造文化

日人盜臨溟戰捷碑

## 中國之中興必自挫日而始

小之來華後感想

本黨紀略

新韓青年黨黨憲

姜燦九小傳

## 照相銅版

三月一日之大漢門前

獨立宣言之塔洞公園

水原堤巖里慘狀

失子之老母喪夫之幼妻

水原花樹里之慘狀

目次

爲自由而被割斷膝之慘狀

謀獨立而臂膊致受刀劈之後大呼大韓獨

立萬歲尙有百折不屈之精神

絕叫祖國之自由中二十六刀耳領隨落一


時後隕命

十字架被釘之慘狀

大韓民國臨時政府新年賀祝紀念

目

次




四

# 創刊詞

白巖

吾韓族以五千年祖國歷史之神力爲中堅以二十世紀人道之正義爲前茅忠信甲冑禮義千  
構以徒手抉鐵網以赤血抗礮火而求吾獨立自由皓髮之叟黃口之兒弱體之女子胥駢首致  
命於敵鋒之下而少無悔意前仆後繼以最后一人之必戰爲誓此前古未有之革命也於是乎  
九年間入於寂滅之韓國復爲世界之研究問題雖無以公式認我獨立者而其予以讚歎之詞  
示以愛助之意則全球輿情幾乎一致且日人之變虐大曝於天下殆爲輿論之集矢多方外交  
陷於困難則吾族之革命事業已做到幾分苟此血之繼續增長者種豆得豆收完全獨立之結  
果確係無疑矣自宣言獨立以來有幾種報紙之行于各處者而均用國文爲之者爲供我人之  
覽也惟中國與吾韓極有密切之關係故今回獨立運動之影響觸其腦筋者尤深而學界之青  
年要得其詳情者多而非行漢字之報則不可適自新韓青年黨囑余操觚不能以病爲解也夫  
日本對於吾韓則日言確保獨立而竟行合併對於中國則日言中日親善而實行侵略已爲歷  
史上不可揜者則無庸多辨而余嘗謂日人之武非可畏也而其譎最可畏也武可適用於宣戰  
之場而譎則使用於平常交際敗人於不知不覺之中故行其吞吾國實以譎而不以武也今中  
國被他侵略已經創甚痛鉅故排日之熱漸臻高度而但恐彼之弄譎極巧假親善二字之口頭  
禪以敗中國於談笑之際也殷鑑自在可以勿忘矣且彼得志以來驕橫忒甚對吾同洲同種凌  
辱虐待極其無狀吾韓族之無辜被殺者勿論而觀於滿洲山東及福建等地華人受辱之狀果

何如耶今又進兵西伯利而虐待俄民亦復如是故俄民之排日熱日以激騰矣噫彼一進而與韓族二千萬爲仇再進而與中國四萬萬爲仇三進而與俄國二萬萬爲仇彼雖強武乎而爲世界民意之公仇能保無敗乎吾見島兒之受其業報也不遠矣



新韓青年創刊

三戶止秦

一成興越

勛哉青年

同仇共勉

中華民國全國報界聯合會

新韓青年 卷一第 第一號

新韓青年 創刊

有志者事竟成

上海學生聯合會祝

# 新韓青年 創刊

人類有個誇大的毛病。其實關於自然界的知識。幾千年以來。雖不能不算大大的進化。然而還是九牛的一毛。關於合羣的道德。又何嘗不是如此呢？從今天相反。我以為真的道德是由弱者奮鬥出來的。國際的道德必定由弱民族出來維持。因為強者已經失了維持道德的責任。他們已經犯了罪。只有弱者強起來。方可以維持道德。以前道德是不行于國際的。有所謂國際無道德說。現在有了許多人都知道這個是說不過去的。但是實際却尚未改革。尼采一流狼反對現在的道德。而主張「超人」。我的意思却所以將來人類全體的幸福全在弱民族的肩上。聊述感想。以當祝詞。

張東蓀

自由平等

博愛犧牲

吾人當行

基督精神

韓民行之

衆志成城

因是立國

得免沉淪

徐約翰題

新韓青年

創刊

一編風行

語重理真

鏤面不舍

推陳出新

燈明暗室

萬象皆春

羿射日落

鑒此精誠

陳相因祝

實事實情  
明鑑昭揭

金嘉德

# 新韓青年

創刊

白頭山高兮是汝青年之氣槩

東海水長兮是余青年之命運

筆鋒嚴如斧鉞永誅無人道無正義之三島倭賊

詞林快回陽春復活愛自由愛平和之青邱生民

奮發我大韓男女之忠義

鼓吹夫中華同情之思潮

廓清東洋軍國之頑腦

增進大陸萬全之福利

誠齋

李東輝祝

新韓青年創刊

七

新韓青年 創刊

代表大韓全族之熱血

特放世界正義之曙光

祝爾永生扶植人道於悠久

慶我再造整理河山於清明

島山 安昌浩祝

新韓青年創刊

此之謂正義

人道

上虞義祝

## 新韓青年 創刊

滿天下具有良心之同胞請看此新韓青年之血淚也  
我大韓民族仗半萬年歷史之威靈據世界人道之正義  
爲復我獨立自競生存尊榮對彼軍國主義侵略行  
動者期以公理制武力以赤血滅砲火創此曠前絕後  
之特質革命而彼以淫威暴力日事屠戮我父母兄弟  
姊妹妻子之冤血沸騰哀魂煩冤天日暗澹草木悲泣  
此新韓青年所以代表而訴諸世界公理者也字字是  
血淚語語是血淚讀之者亦不禁血淚之縱橫也

朴龍泰

## 朝鮮獨立宣言書

吾等茲宣言我朝鮮之爲獨立國朝鮮人之爲自由民以此告于世界萬邦闡明人類平等之大義以此誥于子孫萬代永有民族自存之正權

仗我半萬年歷史之權威以宣言焉合我二千萬民衆之誠忠以佈明焉爲我民族恆久如一之發展而主張焉基於人類良心之發露而爲世界改造之大機運爲順應並進乎此而提起焉是天之明命也時代之大勢也全人類共存同生之權之正當發動也天下何物能阻止此抑制此乎

乃舊時代遺物之侵略主義強權主義之下爲其犧牲備嘗有史以來累千年未有之異族箝制之痛苦者已十年矣凡剝奪我生存權者幾何障礙我心靈上發展者幾何毀損我民族的尊榮者幾何我以新銳獨創得世界文化大潮流之奇與補裨之機而被其遺失者幾何

噫欲宣暢我舊來之抑鬱擺脫我時下之苦痛蔓除我將來之脅威興奮伸張我民族的良心國家的廉義之壓縮消殘者遂我各個人人格之正當發達不遺與我可憐子弟以苦恥的財產導迎我子子孫孫永久完全之慶福者惟確實我民族的獨立爲最大急務二千萬各個人懷方寸之刃以人類通性及時代良心之正義軍與人道之干戈爲其護援今日吾人進而取之何強不挫退而作之何志不展

內子修好條規以來時時種種食金石之盟約日本之無信不欲罪也學者於講壇政治家於實

際視我祖宗世業以殖民地遇我文化民族以土昧人徒快征服者之貪慾而已無視我久遠之社會基礎卓越之民族心理日本之無義不欲責也而吾人方急於策勵自己奚暇怨尤他人急於綢繆現在奚暇懲辦宿昔今日吾人之任但有自己之建設而決不在於破壞他人也以良心上嚴肅之命令開拓自家之新運命而決非以舊怨與一時感情嫉逐他排斥他也彼羈摩於舊思想舊勢力之日本爲政家爲功名的犧牲而不自然又不合理之錯誤者使之改善匡正歸還於自然又合理之正經大原也當初兩國併合非出於民族的要求者故畢竟併合之結果以姑息的威壓與差別的不平統計數字上虛飾之下利害相反之兩民族間永遠不和怨溝益深乃今日之實績也誠能以勇明果敢廓正舊誤基於真正理解之同情打開友好之新局面詎非彼此間遠禍召福之捷徑乎且對二十萬含憤蓄怨之民專以威力拘束者非止障礙東洋永久之和平而已因此而爲東洋安危主軸之四萬萬中華人對於日本而危懼猜疑去益濃厚其結果必致東洋全局共倒同亡之悲運也明矣今日吾人之謀獨立使朝鮮人獲遂正當之尊榮也并使日本人救出於邪路全其支持東亞者之責也使中華人脫免於夢寐不安之恐怖也且世界平和人類幸福以東洋平和爲重要一部則朝鮮獨立爲必要之階段豈區區感情上問題已哉嗚呼新天地展開於眼前矣威力時代已去而道義時代斯屆矣過去全世紀之所練磨長養之人道的精神方投射新文明之曙光於人類歷史上矣新春已來於大界催萬物之回蘇閉蟄呼吸於凍冰寒雪者彼一時也振舒氣脈於和風暖陽者此一時也吾人際天地之復運乘世界之變潮固無所躊躇忌憚也護全我固有之自由權飽享我生旺之樂發揮我自足之獨創力結綬

民族的精華可也

吾等今茲奮起矣良心與我同存真理與我並進無論男女老幼皆活發奮起於陰鬱之古巢與萬彙羣象得遂欣快之復活千百世祖靈佑我於冥冥全世界氣運爲我外護着手即成功也第向前頭之光明而邁進哉

## 公約

一吾人今日此舉爲正義人道生存尊榮之民族的要求須要發揮自由之精神決毋逸走於排他之感情

一以最后一人最后一刻爲限快快發表我民族之正當意思

一一切行動務要尊重秩序使吾人主張之態度一出於光明正大貫徹始終

朝鮮建國四千二百五十二年三月日

## 朝鮮民族代表

孫秉熙	吉善宙	梁甸伯	李昇薰	梁漢默
金昌俊	李鐘一	申錫九	韓龍雲	李弼柱
白龍城	金完圭	金秉祚	權東鎮	權秉憲
羅龍煥	羅仁協	劉如大	李甲成	李明龍

韓 濟 年

第一卷 第一號

四

李鐘勳  
申洪植  
崔麟

林禮煥  
吳世昌  
洪秉箕

朴準承  
吳華英  
洪基兆


朴熙道  
鄭春洙

朴東完  
崔聖漢



獨 立 宣 言 之 塔 洞 公 園

三月一日午後二時在公園音樂堂朗讀獨立宣言




京 城 各 街 巷 兵 倭 之 把 守

此 此 正 門 之 示 威 運 動 波 及 三 千 里 全 土

前 門 漢 大 日 一 月 三

光武皇帝之靈柩大渡門內奉安



萬歲一萬歲一大韓獨立萬萬歲

社 報 日 京 之 人 日 屋 洋 之 景 背

# 朝鮮民族代表通告日本書

積有年所之世界慘禍方見止戰天時人事共迎新春實四海之所同慶也究竟勝利終歸於標榜正義人道之聯合國方面以全人類之完全幸福爲其標的者試行有史以來世界之大改造也使犧牲於威力之下者付與無限之希望及勇氣也道義替代強暴理想符合實行今後世界決不許一切暴戾之壓制苟且存在也彼因習之政治家以功利野心驅東亞兩民族入於誤路爲不自然不合理之狀態者今已根本的改善時機到來矣內則將撤互相日深之怨溝外則願應遇住不得之世界大勢實乃時代之歸趨不可免之事實也

至于今日穿鑿昔日兩國合併真動機之如何誠無益之事只就兩國皇帝之詔書與廟堂之宣言表現其併合目的而論之十年間實績與今日大勢不過確証其併合之無意義無道理而已確保國內之秩序掃除民心之危懼以維持韓國之靜謐增進韓民之幸福云者乃併合時最先標榜語也然而自併合前數年韓國內地之安寧秩序幾陷於不可收拾之境實基因於保護制度之施設爲民族的不安也至若被誣於暴徒之名稱者大概山林讀書之士激起也解散軍隊之系統的行動也於古有歷史的怨嫌在今受現實的恥辱以勢則無對抗之實

朝鮮民族代表通告日本書

力而依義則爲力抗之舉者對於國家及主權之良心正當發露也故韓人毫無負其騷擾動亂之責任者且使韓人官之則惟有擁護其瀕危之國權外無他何等尊重秩序也乃以併合而除此者反招添油消火之結果理所當然也姑不論兩國併合之根據有無而以強制欺瞞之一片空文一響槍奪五千年歷史之權威二千萬民族之生榮則以韓人窮天之痛激骨之恨欲打破現狀恢復正權者尤乘蘇所在恆久不可渝者故其結果擾亂日人所謂秩序靜謐者自然之勢也於是乎武斷政治生焉濫用苛酷之警察制度以權力爲主則韓人之鬱念益蓄積危險愈滋長激成不平反加於日人抑壓之高度以此現狀烏能釋疑懼之念而有幸福之可感者乎設使日人對於韓國自初確守信義新政方針措置得當而以累千年來自主的政治生活之吾人決不以自己生活與運命委託他人之手者明矣况以兩國關係實際發展見之自一八七六年韓日修好條規以來如天津條約日清宣戰書暫定合同條款日英協約日露宣戰書韓日議定書及其他多數公私文書日本每有機曾輒以保全其獨立與領土之大義誇張於世界如有德色於韓人一旦得勢棄前約如弊履加之併台以後所謂新政微上

五

假下只有威壓差別統計上虛飾殖民地的利用而已如有多少間可見之成績此即自然的文化過程與連年豐稔爲經濟之緩和故耳至於根本的治安與吾人前途所希望滿足之生存及自尊心毫無供給然而急於功利之爲政家無前後之考慮若非夢想於永不合理之同化即妄斷實力不及之財政獨立而已至於完全基礎永久福利毫無留念則是豈半萬年歷史民族所能忍受者乎併合之未成也日本上下以友好之盟邦爲祖上之肉肆首無忌併合之既成也公然祝賀其征服之愉快吾人之良心對此恥辱甯無感憤哉且其新政施設視吾

疆土以殖民地遇我同胞以土昧民觀於彼之學者講說政治家施措一般民衆態度可以一例證明也使吾韓人陷於被征服者之屈辱動輒危懼然吾人之神經對此脅威未嘗頑鈍也嗚呼吾人以歷代世守之肥沃疆土無償而提供以尊嚴國家之幸福供其犧牲而所得只此專橫與苦痛而已則對於新形勢不能安身立命亦理所當然也日本動輒以吾人對於現代文明而有能力之差異者爲蹂躪吾人正當權利之口實然此非但地理上有關而亦於時勢有關焉則專責於民志失之甚酷也且吾韓人撤數千年以來之重閉帳幃而以新思想新希望欲並駕於世界文明之大風潮方進出外一步地而猝以暗電落下使吾神魂驚飛者非日本耶若是乎外來風化日益

急激吾人正欲淬勵發展而日人之加以障害阻滯者多矣彼爲政家之只營姑息的治安者或現於教育之畸形或現於信仰之威脅內則妨害心靈之發展外則對於世界的交涉之一切機能盡力斷絕則吾人之發揮靈能向上進步殆俟河之清也

嗚呼對此排出一切之韓人而更求犧牲者何耶對一切被拘束之韓人勿論何事之可能努力而但以無限之順從與忍耐責之者極其不合理不自然不公義之狀態而欲使吾人認其爲幸福而感謝之乎認其爲貴重之產業而遺與子孫乎此等威脅之下一向安住爲吾人倫理的義務乎如此錯誤之永久繼續足可爲併合之價值乎如此違反民族心理之兩國併合不惟永不能爲韓人幸福而且於日本之所謂期待者決不能服爲過去實績之明白看破者也且十年間新政果出於日本之誠意其結果如此則併合之無意尤可以自證也兩國併合主要目的在於東洋平和云而所謂東洋平和之爲物也果要韓人之國家的犧牲與民族的不幸者耶斷絕韓人之國家的生命果爲東洋平和之永久肥料乎蓋真正之東洋平和確以公理建立於共存主義之基礎也決非以一國慾望與一時勢力恣其吞噬而成立者也世豈有以爆藥奠其基礎而建橋安固者乎故兩國併合只爲東洋平和之不幸而已以此鑒驗

行此併合可明證其思慮之不賢明也不寧惟是現露國已崩壞獨逸已驅逐侵略主義軍國主義既爲歷史上古物而東洋平和之脅威亦全然除去之日也則併合意義尤歸於一層虛無者而對於今後之韓人強其以自己生存權永久賣却者何故其理由之不合者不得不令人苦惱矣且兩國之併合關於東洋平和而爲最有害之大禍因者中華民國人之對於日本而心理的變遷即最有力之證據也

自日清戰爭得國際上新經驗之中國至日露之役告終而對於日本只有猜疑而無他念矣

日本對於韓國食金石之盟約徒以威力強行併合故中國人尤覺其陰謀益懷疑懼殆成中韓之共同確信矣蓋最近十年間中日之種種交涉缺於圓滿而入於蛆蝼者實併合爲其教訓也且中日親善之聲日盛形諸公私文書者多然中國人反動之熾熱正爲反比例者以其戒心在於韓國之覆轍也專一轉而聯於歐美決不與日本提携故今雖有何等大政治家與何等大經綸而決難挽回中國人之心理也假令日本永得韓國而其利難償乎全失支那之害矣又日本對於滿蒙有莫大之期望者而因併韓而有絕大恐怖之念者尤明確之事也嗚呼以併韓之故而東洋全局因以缺裂互相反自畢竟共倒於白開橫暴之下者日本實任其咎矣且內則對於舍憤蓄怨

朝鮮民族代表通告日本書

見機思離之民族而加以軍隊警吏威壓而已外則使中國之四萬萬人抱永久危懼之念上下一致厲行排斥則東洋之共存原則永無到達之餘地鑒此恐懼之情勢匡正兩國之新運命即目下最大緊事也今日吾人一步之得失即係日本之支柱東洋平和破壞者也亦使韓國爲東洋平和之安全瓣與噴火口也豈非戒慎者乎專以日本自衛上觀之併合對於日本國體而帶深重之危險者遠識之士容易看得者也蓋韓人有長久政治上經驗者而同時民族的自覺益益熾烈則雖加以何等抑壓箝制而難以鋼閉吾人之本能矣又加以何等掩蔽防遏而於新世界思潮之薰染感受則未如之何吾人運命以自力處理只不過時日問題而已若不幸而爲暴力所制不得達其理性則惟有現出其不好之形式而無他道也因此而韓人自然趨於極端以過激思想爲其巢窟以危險行動爲其職業直接間接對於日人而貽多大之脅威者亦可想像矣且對於自己之地位與歷史之運命而有正確自覺之韓人以其穩當方法行其意志而終陷於不得之境遇則爲其生存與尊榮而何等手段不擇而爲之亦當然之趨勢也且國際聯盟之成立也則人類歷史上正義之進行益強其步調矣日本若以皮相爲大勢和同之變裝內容則以侵略的大陸發展主義爲其主張墨守軍閥派之惡習併韓之實績不力於矯匡舊

七

誤當此世界改新之日獨持舊式帝國主義則全世界疑念悉集矢於日本矣然則以此孤立獨性對於世界的地位足可爲光榮乎且日本之將來不止於大陸行動而進於太平洋方面則目前有二千萬異族之懷怨者背後有四萬萬比隣之憎惡者日本自衛上之不安莫此爲大也誠欲篤隣誼而得其後援乎抑欲結怨敵而不釋後慮乎此其利害之切於兩國關係者也蓋併合後之政策曰同化而日本之多數政治家固具此可龍之信念者然而求精神的融和之同化較威力成就之併合尤覺其難五千年歷史之觀念豈一朝所能銷滅二千萬之民族性豈一朝所能喪絕也或者以日語普及之速度斷言同化之不遠然今韓人之僅解普通日語者大約十萬而自日清戰役後二十年及併合後十年間費了長久歲月始有此言語普及而非速率之所能及且最近習俗改化之激甚者實因世界風潮之趨勢也則不可以言同化策之奏效矣且就不可能之方面反覆考察殆指不勝屈以德性言之韓人有大陸性日人有島國性以社會要素言之韓國本於儒教日本本於佛教以歷史言之韓國上下五千年日本則不過幾千年以言語論之吾輩變化之學約懸隔以文學論之表現範圍之廣狹迥異韓人有世界的容量日本有地方的貧弱至以衣服飲食言之韓國文化之高級與日本實質價值之低劣元有定評者也至於

八

新文化之過程雖我韓少有落後云而表現原值已高數等之韓人豈肯同化於日本不誠實之方法耶此只可口言而實不可能之事也蓋兩國歷史之性既有數千年繼續之宿怨而對於現在及未來不僅經濟上利害之衝突而已併合政氣全然侮蔑我民族意志而以一種市儈的猾智而成之者也至於政教專以威壓的差別的貽我恥辱貽我苦痛實不能以威力而折滅以歲月而磨溜者也豈或激於若干殘飯的小惠而願効忠順乎雖世代交易而不能容易致之况自一方由全世界之所驅進而十八世紀以來一切解放運動之結實迫於目前者乎設謂日本之對韓同化策及於一二世紀可收滿足之效果云而奈世界大勢促成韓國獨立出於迫近何哉且對彼速同化者而加一大痛棒者夫以五千年歷史之國而遽爾滅亡於他人以二千萬文化民族而容易同化於異族者果有實例之現於歷史者乎此在社會之原則民族心理而確固不動之事也同化韓族在日本固爲要緊之事而其奈太陽不爲日本而西出何哉

要之天下事惟勢而已昔年併合昔年之勢今日獨立今日之勢至于今日日本焦慮於同化者雖曰今日之勢而吾人之宣言獨立亦今日之勢也在於昔日而吾人於日本之併合誠莫之何在今日而日本於吾人之獨立豈能遏住哉今茲吾人此

聯合於世界新運應於時代新勢期欲得享生命發展尊榮之  
 正當權利而決非出於排他與一時之感情也捨此而外更無  
 他冀日本由來多明達之士今又一世俊英當於要路亦能認  
 得今日大勢日趨於己之四圍矣自由思想與民族主義之世  
 界大思潮以懷襄之勢風靡一世則雖無美總統所提倡國際  
 聯盟之保障而從此世界歷史之面目一新於此原則之下者  
 亦無他道矣且天下大勢之變轉既不能防過者至爲明瞭雖  
 無今日吾人之要求而兩國舊來之錯誤不可不急爲改善者  
 亦不待他人之言明也然則理義兩者之的確明瞭既如此更  
 用架疊難免迂兀之識矣今吾人體我二十萬全民族之期望  
 合我二百萬大集團之誠忠爲祖國與復首揭義旗對於日本  
 朝野不可不持續過去現在未來之友誼則披瀝吾人本意乃  
 爲正當故敢振蕪辭以促明斷莫謂我孤十六億良心皆後援  
 也莫謂我弱二十萬心力盡武器也嗚呼世界方趨於正義人  
 道而上而欲遂其一大復活則韓國及韓人今也對於生存尊榮  
 有徹底之自覺不必重言時代則已改化矣韓人則已自覺矣

朝鮮民族代表通告日本書

朝鮮建國四千二百五十二年三月一日

朝鮮民族代表 孫秉熙

李昇薰外二十一人

右兩篇係崔君兩善之作而各國報紙均同聲讚美曰其  
 有德者之言爲華盛頓獨立宣言以後第一文字美人基  
 報對於生存尊榮四字反覆讚揚以爲二十世紀新救  
 出現云



## 在日本東京青年獨立團之宣言書

朝鮮青年獨立團代表我二千萬民族據正義自由期成我獨立宣言於世界萬國之前夫吾族有四千三百年長久之歷史而爲世界最高民族之一者也雖有時乎奉支那之正朔而此不過兩國皇室之形式的外交關係也而朝鮮常爲吾族之朝鮮未嘗有一次之失其統一國家而受異族之實質的支配者也

日本謂與朝鮮有唇齒關係以一八九五年清日戰爭之結果率先承認韓國之獨立而英美法德俄奧意等諸國亦皆承認僅爲保存獨立而訂約東焉韓國亦感其恩義銳意於諸般改革期圖完其國力者矣當時俄國以南下之勢力有威脅東洋之平和韓國之安寧者日本乃與韓國締結攻守同盟開俄日之戰爭維持東洋之平和韓國之獨立即此同盟之主旨也於是韓國愈感其好意雖無陸海軍作戰上之援助而至於犧牲我主權之威嚴而凡係可能之義務無不盡力者實追索乎東洋平和韓國獨立之兩大目的者也及其戰爭之終結也米國大統領故羅斯福氏以仲裁開講和會議而日本不許同盟國之韓國參加俄日兩國之代表以對韓之宗主權任意議定日本特其優越之兵力違反韓國獨立保全之舊約威脅韓國

皇帝及政府欺罔以韓國國力之充實爲定得獨立之時期勒施條件奪韓國之外交權爲日本之保護國使韓國對於世界各國斷其直接交涉之道因而借相當時期之條件奪司法警察權徵兵令實施之條件解散軍隊押收民間武器以日本軍隊與憲兵警察遍置各道甚至於皇宮之警備亦用日人之警察如此進行遂使韓國作爲全無抵抗者然後放逐我明哲之光武皇帝擁立皇太子利其精神之發達尙未充分也所謂內閣盡以日本之走狗組織竟以秘密與武力締結合併條約於是韓國犧牲於日本之軍國的野心政策以如此之詐欺行爲有如此偉大之成功真世界興亡史上未曾有之奇事人類之大恥辱也

夫締保護條約也除賊臣外皇帝與諸大臣均極力反對發表後我全國民皆以赤手反抗至司法警察權之被奪與軍隊解散之日亦然及其合併也雖手無寸鐵而爲極力反抗之運動犧牲於日本武器之下者不知其數爾來十年間以回復獨立之運動犧牲其生者亦數十萬雖彼憲兵政治極其苛酷手足與口舌無不受其箝制者而獨立運動未嘗間斷觀此可知日韓合併非韓國民族之意思也吾族之運命乃在日本軍國主

義的野心家詐欺暴力之下矣。值此正義人道改造世界之日而求其匡正亦有當然之權利且為改造世界之主人者若米若英對保護與合併而為率先承認者至於今日亦有追隨舊惡之義務矣。

且自合併以來以日本之統治政策觀之彼合併時之宣言者所謂增進吾族之幸福利益盡屬欺人之言而惟以征服者對於被征服者費用古代非人道的政策對於吾族而參政權集會結社之自由言論出版之自由等一切不許甚至於信教企業之自由亦加拘束行政司法警察等諸機關無有不侵害朝鮮民族之私權者公私上吾族與日人間優劣之差別懸殊施吾族以劣等之教育永使吾族為日本人之使役者而已。改造歷史破壞我神聖之傳統與威嚴加以凌侮除少數官吏外政府之各機關與交通通信籌備等各機關之全部或大部分盡用日本人使吾族凡可得國家生活之智能與經驗者永無機會之可得吾族在如此武斷專制不正不平之政治下決不能享受其生存發展也不啻惟是彼在人口過剩之韓土獎勵無限之移民使吾土著之族不免於流離海外且政府之各機關勿論而私設之各機關亦盡用日本人一使吾國人民失其職業一使吾國富源流出日本至商工各業必予日人以特殊之使益使吾族失其產業發興之機會據各方面觀之吾族與

任日本東京青年獨立團之宣言書

日人間諸般利害互相背馳而受其害者吾族也故吾族之主張獨立為生存之權利者也

以最后東洋平和之見地言之彼最大威脅者若俄國既拋棄其軍國的野心而基於正義與自由而從事於新國家之建設中華民國亦然兼此後國際聯盟之實現也必無敢行軍國主義的侵略之強國矣然則合併韓國之最大理由既已消滅而從此朝鮮民族若起革命之亂者日本之合併韓國實為擾亂東洋和平之禍源矣吾族惟一正當之方法追究吾族之自由而若不能以此成功則吾族為生存之權利取自由行動至最后一人必為自由而濺其熱血詎非東洋平和之禍源耶吾族以兵力乎則雖無抵抗日本之實力然日本若不應吾族之正當要求者不得不對於日本宣佈永遠血戰而已

吾族有高等之文化者久遠而且有半萬年國家生活之經驗者雖以多年專制政治之害毒致有今日之不幸而今從正義自由民主主義先進國之範而建設新國家則以我建國以來之文化愛好正義和平之吾族必能對於世界平和人類文化而有所貢獻矣

今茲吾族對於日本及世界各國要求民族自決之機會而如其不然者吾族為其生存取自由行動期成吾族之獨立茲

宣言